

Sakspapir

Saksbehandler	Arkiv	ArkivsakID
Marianne Soleng	FE-033	20/991

Saksnr	Utvalg	Type	Dato
087/2020	Kommunestyret	PS	03.12.2020

Faste saker

Saksopplysninger:

Oversikt over faste saker:

Godkjenning av innkalling og sakliste.
Eventuelle merknader til protokoll frå førre møte.
Delegerte vedtak/referatsaker.
Utvalet sitt kvarter.

Forslag til vedtak:

Rådmannen sitt framlegg til vedtak:

- Møteinnkallinga og saklista vert godkjent.
- Delegerte vedtak/referatsaker vert tekne til orientering.

Kommunestyret - 087/2020

ks - behandling:

Godkjenning av møteinnkalling og sakliste

Godkjent utan merknader.

Eventuelle merknader til protokollen frå førre møte

Ingen merknader.

Ordføraren orienterer

Ingen saker.

Rådmannen orienterer

System for oppfølging av politiske vedtak

Rådmann Ingebjørg Vamråk orienterte om at det enno ikkje er avgjort kva system administrasjonen vil bruka for oppfølging av politiske vedtak. Administrasjonen har fått ein kort presentasjon av

programmet Planner, som vert brukt av fleire andre kommunar og som òg kan vera aktuelt for Samnanger.

Nytt intranett og verktøy for digital samhandling

Rådmann Ingebjørg Vamråk orienterte om innføring av Microsoft Office 365 i Samnanger. I Office 365 ligg det forskjellige verktøy som kommunen kjem til å ta i bruk. Dette gjeld mellom anna verktøy for digital samhandling (Teams, Yammer m.fl.). To av kommunane i IKT Nordhordland (Vaksdal og Osterøy) køyrer for tida eit pilotprosjekt om nytt intranett m.m., og Samnanger vil også kunne ta i bruk løysinga så snart me er klare.

Nye kommunal heimeside

Rådmann Ingebjørg Vamråk orienterte om arbeidet med ny kommunal heimeside. Arbeidet er i gang, men er ikkje ferdig.

Smittevern

Rådmann Ingebjørg Vamråk orienterte om smittevernsamarbeidet mellom Bergen og dei omkringliggjane kommunane. Kommunane har hyppige møte. Det kan sjå ut til at Bergen no i større grad vil ha eigne reglar. Samnanger og dei andre omkringliggjande kommunane vil vurdere å gå tilbake til å berre følgja dei nasjonale reglane/anbefalingane. Dette vil truleg verta avgjort seinast søndag 06.12.2020.

Rådmannen svara òg på spørsmål frå Martin Haugen (Bl) om eventuell tidleg juleferie for skulane i år. Seinare i kommunestyremøtet (etter handsaminga av sak 098) informerte rådmannen meir om saka. Ho orienterte då om at fylkesmannen i eit brev til Kvam herad har avklart at eventuelle tapte undervisningsdagar i samband med jula må takast igjen seinare. Dette gjer at skuleruta i Samnanger i samband med jula truleg vil verta gjennomført etter oppsett skulerute (ikkje ekstra fridagar).

Eigedomsskattegrunnlag for kraftselskap

Rådmann Ingebjørg Vamråk orienterte om eit vedtak i den nasjonale Skatteklagenemnda. Dette vedtaket vil kunne få betydning for Samnanger og andre kommunar, ved at kommunane kan måtte betala tilbake noko av den innkravde eigedomsskatten for 2014, 2015 og 2016. Det kan verta aktuelt at Samnanger vert med på ei steming mot denne avgjerda saman med andre kommunar i Landsamanslutninga for vasskraftkommunar (LVK).

Kurs i forvaltningsrett

Rådmann Ingebjørg Vamråk orienterte om at tre tilsette i kommunen har fått plass på eit kurs i forvaltningsrett ved Universitetet i Bergen.

Andre orienteringssaker

Budsjettinnspel frå Framstegspartiet

Karl Bård Kollbotn (Frp) viste til at Framstegspartiet hadde sendt inn fleire innspel til budsjettet for 2021, men at desse ikkje låg ved møteinnkallinga. Ordførar Knut Harald Frøland (Bl) orienterte om at årsaka til dette er at det er i møta i formannskapet og kommunestyret dei politiske partia i kommunestyret kan koma med innspel til budsjettet, og at Framstegspartiet kunne leggja innspela fram under handsaminga av sak 104/2020 om budsjett og økonomiplan seinare i møtet.

Utvalet sitt kvarter

Utbetaling av tilskotsmidlar frå ekstraordinært kommunalt næringsfond (koronamidlar)

Arild Røen (H) viste til vedtak om tildeling av tilskotsmidlar frå ekstraordinært kommunalt næringsfond, og spurde om kvifor ikkje bruktbutikken på Bjørkheim enno ikkje har fått utbetalt tilskotet. Rådmann Ingebjørg Vamråk svara. Ho orienterte i svaret mellom anna om reglane for utbetaling av tilskot og krava til dokumentasjon av utgifter. Ordførar Knut Harald Frøland (BI) peika på at det er viktig at administrasjonen er på tilbodssida og gir dei som har fått innvilga tilskot god rettleiing.

Status for arbeidet med etablering av nytt barnevern

Arild Røen (H) spurde om status for arbeidet. Ordførar Knut Harald Frøland (BI) orienterte om status. Arbeidsutvalet skal ha nytt møte 08.12.2020. Det kan òg verta behov for eit møte til i utvalet etter nyttår. Prosessen med rekruttering kan truleg starta opp etter møtet 08.12.2020. Ordføraren orienterte òg om at det er god dialog mellom Bergen og Samnanger. Rådmann Ingebjørg Vamråk orienterte nærmare om arbeidet med rekruttering.

Erikajorda

Arild Røen (H) spurde om status for Erikajorda. Einingsleiar samfunnsutvikling Hilde-Lill Våge orienterte om at det ikkje er gjort vedtak om oppstart av reguleringsplan for bustader på Erikajorda, men at dette ligg inne i rådmannen sitt budsjettforslag, og at det i 2021 må takast stilling til når arbeidet skal startast opp.

Skulegudsteneste

Monica Tjønnå (Sp) bad om å få opp sak om moglegheit for å få arrangert skulegudsteneste. Ho foreslo at smittevernlegen, kyrkja og kommuneadministrasjonen ilag prøver å verta einige om det går an å avvikla skulegudsteneste og vanleg gudsteneste innanfor smitteverreglane. Ho viste her til at det no er håp om at det vil verta opna for samlingar på opptil 50 personar. Rådmann Ingebjørg Vamråk orienterte om at den noverande grensa på 20 personar kan verta endra til 50 personar, men at dette truleg ikkje vert bestemt før søndag 06.12.2020.

Ordførar Knut Harald Frøland (BI) foreslo å ta inn ein protokollmerknad om at skulane, kommunelegen og rådmannen har eit samarbeid om eventuell gjennomføring av skulegudsteneste. Monica Tjønnå samtykka til dette.

Øyvind Strømmen (MDG) orienterte om at regjeringa 02.12.2020 opna for å leggja til rette for opne kyrkjer og kyrkjevandring i jula.

ks - vedtak:

Møteinnkallinga og saklista vert godkjent. Delegerte vedtak/referatsaker vert tekne til orientering.

, den 26.11.2020

Marianne Soleng
einingsleiar innbyggjarservice/ avdelingsleiar servicesenteret